



Broj: 03-50-1-141-18/10  
Sarajevo, 18.05.2010. godine

**Z A P I S N I K**  
**12. sjednice Vijeća nacionalnih manjina Bosne i Hercegovine**  
**održane 18.05.2010. godine**

Sjednica je počela u ,00 sati.

Sjednicom je predsjedavao Nedžad Jusić, predsjedavajući Vijeća.

Sjednici su prisustvovali: Vasilija Ibrahimagić, Marija Grbić, Jovanka Manžalović Šalaka, Darko Kovč, Neđeljko Tomašević, Halil Bicaj, Tihomir Knežiček, Hakan Varan i Andrija Svatok.

Opravdano su odustvovali:

Sjednici su također prisustvovali predstavnici sljedećih organizacija: UNHCR-a, Budi moj prijatelje - Sarajevo, BOSPO - Tuzla, OSCE, Biro za ljudska prava - Tuzla, CARE - Sarajevo i Milan Jovanović, šef odjela za pitanje nacionalnih manjina u BiH - Ministarstvo za ljudska prava i izbjeglice BiH.

**Predsjedavajući Vijeća Nedžad Jusić**, nakon što je pozdravio prisutne, predložio je sljedeći

**DNEVNI RED**

1. Usvajanje zapisnika 11. sjednice Vijeća nacionalnih manjina BiH;
2. Informacija domaćih i međunarodnih organizacija o aktivnostima koje provode po pitanju nacionalnih manjina;
3. Uspostavljanje saradnje između Vijeća nacionalnih manjina BiH i domaćih i međunarodnih nevladinih organizacija;
4. Tekuća pitanja;

**Ad. 1. Usvajanje Zapisnika 11. sjednice Vijeća nacionalnih manjina BiH;**

Vijeće je jednoglasno prihvatilo Zapisnik 11. sjednice.

**Ad. 2. Informacija domaćih i međunarodnih organizacija o aktivnostima koje provode po pitanju nacionalnih manjina;**

**Predsjedavajući Vijeća Nedžad Jusić**, istakao je da navedena tačka dnevnog reda ima za cilj unapređenje već postojeće saradnje između domaćih i međunarodnih organizacija koje se bave pitanjima nacionalnih manjina, te zamolio prisutne predstavnike domaćih i međunarodnih organizacija da ukratko predstavljaju organizacije iz kojih dolaze i aktivnosti koje rade u cilju poboljšanja statusa nacionalnih manjina u BiH.

Prisutni koji su predstavili organizacije i projekte kojima rade na zaštiti i poboljšanju statusa nacionalnih manjina u BiH su:

Aleksandar Čorni i Dervo Sejdić, predstavnici OSCE-a, Sabina Čejović – UNHCR, Boris Kukić - organizacija Budi moj prijatelj, Melika Hadžibrahimić – BOSPO Tuzla, Elizabeta Lukačević – Biro za ljudska prava Tuzla i Jadranka Miličević – CARE regionalna kancelarija u Sarajevu.

### **Ad. 3. Uspostavljanje saradnje između Vijeća nacionalnih manjina BiH i domaćih i međunarodnih nevladinih organizacija;**

**Predsjedavajući Vijeća Nedžad Jusić**, otvorio je raspravu po pitanju navedene tačke dnevnog reda.

U raspravi su učestvovali: Nedžad Jusić, Milan Jovanović, Andrija Svatok, Darko Kovč, Marija Grbić, Neđeljko Tomašević, Tihomir Knežiček, Jovanka Manžalović Šalaka i Hakan Varan.

**Predsjedavajući Vijeća Nedžad Jusić**, predložio je da Vijeće usvoji zaključke kojim se:

1. Podržavaju sve aktivnosti koje provode domaće i međunarodne organizacije u BiH a u cilju poboljšanja statusa nacionalnih manjina u BiH;
2. Vijeće će nastaviti saradnju i razmjenu informacija sa svim organizacijama koje se bave pitanjima nacionalnih manjina;
3. Podržava prijedlog da Vijeće potpiše memorandum o saradnji sa domaćim i međunarodnim organizacijama u BiH;
4. Vijeće upućuje preporuku svim organizacijama koje se bave pitanjima nacionalnih manjina da u okviru aktivnosti koje se tiču zaštite nacionalnih manjina prisutnih u BiH uključe sve nacionalne manjina prisutne u BiH a ne samo Rome;
5. Vijeće upućuje preporuku da se na državnom nivou vlasti izradi strategija za rješavanje problema nacionalnih manjina u BiH.

Vijeće je jednoglasno usvojilo navedene zaključke.

### **4. Tekuća pitanja;**

**Nastavak sjednice nakon pauze nije sniman.**

**Predsjedavajući Vijeća  
Nedžad Jusić**